

DANVEZ DA LENN
HA DA SELAOU
EVIT AR RE VIHAN

Ur gontadenn get
G.TH. ROTMAN



Ízíg

Priñsezig an dour

5^{VET}
LODENN



Lennet get
Daniel Doujet
hag **Anaig Lucas**

Kinniget deoc'h get
TI DOUAR ALRE
EMGLEV BRO AN ORIENT

WWW.TIDOUARALRE.COM



izig

Priñsezig an dour

Levr savet ha skeudennet get **Gerrit Theodoor Rotman** (1893-1944)

Lakaet e brezhoneg get **Roparz Hemon**, **Youenn Drezen** e 1927
ha **Loeiz Herrieu** evit an embannadur gwenedek, e 1928.

Bet embannet get GWALARN, Levrioù ar vugale Brest

Kempennet evit an embann er skritur unvan get **Daniel Doujet**,
miz Ebrel 2020.


Liv ha pajennaouiñ get **Olier Berson**.



Gellit a rit selaou doc'h ar gontadenn-mañ lennet get
Daniel Doujet hag **Anaig Lucas** àr :
www.tidouaralre.com ha www.emglevbroanorient.bzh

Kinniget deoc'h get **Ti Douar Alre** hag **Emglev Bro An Oriant**.


Pempvet lodenn >



c'hervel er mod-se en doa Dantig-Lemm dizoloet d'ar c'hoz e oa Lizig eno. Ar paourkaezh krouadur a chomas azezet en ur greniñ. Man Doue ! Setu ma taas ar c'hoz trema he zoull-kuzh. Teurel a raas an del a-gostez hag e krogas en he dorn.

— Pebezh matezhig vrav am eus kavet amañ ! a c'harmas ar c'hoz.

Hag e sachas Lizig geti betek he zoull. Neuze e vorailhas mat an nor, hag e lakaas ur skubellenn vras etre daouarn Lizig.




— **S**kub ! eme ar c'hoz en ur c'hrognonat. Skub !

Ha bemdeiz diàr neuze e rankas ar c'hrouadur paour skubat an hentoù hir teñvel-se. Ha bout a oa anezhe ! Bemdeiz eh ae ar c'hoz da welet penaos e oa bet graet al labour. N'helle ket Lizig tec'h rak an nor a veze morailhet dalc'hmat, hag an alc'hwez a oa get ar c'hoz en he fiched.



n hent-goz a zigore àr ribl an dour. Eno e vourre Lizig chom, lies e-pad euriadoù penn-dre-benn, é spial unan bennak da zonet d'he sekour. N'helle ket tec'h dre eno neoazh rak uhel e oa ar mogerioù tro-ha-tro ha d'an diaz ne oa netra nemet dour.



Un deiz ma oa a-zevri é skubat get ur skubellenn pounner, e klevas ur vouezh goapus :

— Aha ! An dimezellig, merc’h ar gorriganez, aet da vout matezh ! Diwall da gousi ta zaouarnigoù brav !


Lizig a droas he fenn. En un toull er voger e oa azezet ur c’horrigan divalav, é tenniñ e deod doc’hti.



— **K**ae kuit, korrigañ divalav ! a c'harma Lizig get
kounnar.

Sevel a raas he skubellenn, ha dav ar benn ar c'horrigañ.

— O ! O ! O ! Mammig kaezh ! a yudas ar c'horrigañ. Neuze
e kouezhas ar e gein hag eh aas kuit a-benn.



izig a gendalc'has da skubat. Pa zegouezhas e-tal an dour e welas ul loen dic'hailh.

— Ur souezh arall ! eme-hi. Petra 'zay àr-lerc'h an dra-mañ ?

— Ne faot ket bout nec'het ! eme al loen. Jobig Lamm-en-Dour eo ma anv. Gwelet em eus ar c'hoz é krogñ ennous. Ha daet on d'az soviñ. Henoazh e tain amañ get bag mab roue ar raned d'az klask.

Hag, hep gortoz ar reskont e sailhas 'barzh an dour hag e neuias kuit.



-pad an noz, pa oa kousket ar c'hoz, Lizig a savas ag he gwele, ha kuit didrouz da ribl an dour. Jobig a oa eno doc'h he gortoz en ur vag-dre-lien.

— Deus e-barzh ! eme-eñ. Deus e bag hor roue, e Veurded Lagad-Tev XIII !


Lizig a bignas er vag, ha flourik-kaer en noz didrouz eh azont dre-douezh ar c'horz hag an hesk.



Jobig a gasas ar vag en ur ganol strizh etre ar c'horz. Eno, e penn ar strizhenn, e oa dor ur c'hastell sklêrijennet kaer-meurbet.

— Setu amañ palez roue ar raned ! eme Jobig.

Ul lakez kozh en em ziskouezas, ur pikol lantern en e zorn. Get ur gordenn, a voe sklapet dezhañ get Jobig, e stagas ar vag doc'h an aod, hag e tazont er-maez.



— **M**a ! Honnezh eo neuze merc'h ar gorriganes ? eme al lakez, rok a-walc'h. Ne vehe ket lâret ! Pa oan yaouank, holl merc'hed ar c'horriganezed a zouge divaskell hag ur steredenn ! Modoù dic'hailh a zo bremañ ! M'en toui ! Modoù dic'hailh !

Hag en ur doronat etre e zent e tiskoas an hent dezhe.

C'hwec'hvet lodenn da zonet >